

德陽縣新志卷四

建置志

學校

德陽縣學額原定歲科兩試取進文童入學各八名歲試取進武童八名廩生十五名增生十五名三年一貢雍正七年分設羅江縣撥去四名存四名乾隆十八年增額二名三十八年裁松潘等處學額內分撥德陽一名四十五年裁羅江縣將裁撥梓潼縣學額二名轉撥德陽至今定爲文武生各九名其廩增貢仍照定例廩生每名歲支餼糧銀三兩二錢共銀四十八兩遇閏每名

德陽縣新志

卷四

學校

一

加銀二錢六分六釐六毫六忽六微六塵四纖

明倫堂在學宮之側學署前乾隆二年知縣崔浴德勸建道光十一年知縣裴顯忠籌款購置經史子集之切要者凡三十一種六十一部共二百五十函一千七百三十六冊移交明倫堂收貯以備孝感旌陽兩書院生童肄業稽考之需妥定章程隨時收發并卽載入交代冊內以期永久

欽定七經二部共四十八函三百八十四冊

御選唐宋文醇一部共二函十六冊

御選唐宋詩醇二部共八函六十四冊

國語國策二部共二函二十冊 莊子二部共二函八冊
楚辭二部共二函八冊 史記二部共八函六十四冊
通鑑綱目二部共四十函二百四十冊 昭明文
選二部共四函三十二冊 四書釋地二部共二函八
冊 四書摭餘二部共二函八冊 鄉黨圖攷二部共
二函八冊 十子全書二部共十二函八十四冊 子
史精華二部共十二函九十六冊 七經精義二部共
四函二十八冊 十三經策案二部共四函二十四冊
韻府約編二部共八函四十八冊 東萊博議二部
共二函八冊 漢魏叢書二部共二十四函一百九十
冊

德陽縣新志

卷四 學校

二

二冊 廿八種祕書二部共四函三十二冊 杜少陵
全集二部共四函三十二冊 李青蓮全集二部共四
函二十四冊 三蘇全集二部共十二函七十二冊
陸放翁全集二部共十六函九十六冊 四書匯參二
部共八函四十八冊 王已山八集二部共四函三十
二冊 春霆前集二部共二函八冊 天崇欣賞集二
部共二函八冊 墨卷斯盛集二部共二函十六冊
國朝賦楷二部共二函八冊 四書題鏡二部共二函二十
冊 外有孝經二部共二冊

孝感書院康熙中原設在縣西路孝泉場姜公祠乾隆十

六年改設城東崇果寺二十二年知縣周際虞始購城北街隙地二畝五分建講堂五間顏曰光霽堂廳堂三間左右兩廊二門一座頭門三間顏曰躍鯉後布政使周琬更名孝感嘉慶十年合邑重建十二年又於講堂後建文昌閣道光二年知縣王陞元移修學宮左講堂五間外廳五間左右齋舍十一間大門三間廚房三所改名興賢改舊書院爲鄉學十六年知縣裴顯忠仍移周琬所題孝感書院榜懸之以復其舊

設義學文

國朝王理邑令

養賢惟藉膠庠爰重論秀書升之典籲俊必由學校宜

德陽縣新志

卷四 學校

三

有朝稽夕考之功蓋玉潤珠明方爲藝林翹楚而山輝澤媚始稱

王國羽儀石渠金馬之間盡入英雄之彀甕牖繩樞之下寧無崛起之才所患力絀三資功虧一篲思窮經而未獲修束脯以何從雖欲殫心六藝裹足三冬不可得也本縣儒素家風官清似水念生才之難得稔同病之堪憐是以捐厥薄俸設茲義塾舊有清河賢裔張子豐雲文藝優通品望清雅帖括蒐奇僵走半山白眼經綸濟美家藏數代青緇實斯文之領袖堪多士之楷模合亟通知凡我貧家子弟無分童冠不論城鄉願學偕來執經

俱入毋趨趨而畏縮毋觀望而不前庶幾英器早成遂
圖南而九萬卽或大材晚就並冀北而三千願爲

皇國之楨速附青雲之上本縣方拭目以待多士其接踵而
臨

孝感書院碑記

周際虞

三代盛時莫不設學虞則上庠下庠夏則東序西序商
則左學右學周則東膠虞庠至於漢之有三雍唐之有
六學三館皆以云學也迨宋則有石鼓白鹿應天嶽麓
而書院之名以起猗歟盛哉我

國家菁莪造士雲漢作人 令直省郡國鄉黨設立義學社

德陽縣新志

卷四 學校

四

學俾民間子弟之俊秀者悉得薰陶其間此誠樂育人
材之至意也惟我德陽洛水縈帶鹿頭環拱山明水秀
自必誕降英奇故姜仕遊之以孝行著秦子敕之以才
學稱他如李伯仁之文章張上行之功業皆卓卓可紀
名光史冊者不可枚舉此固山川之鍾毓亦由教化之
興行也顧莫爲之前雖美弗彰莫爲之後雖盛弗傳人
材之升降關乎氣運亦宰斯邑者與有責耳予自甲戌
奉檄來蜀承乏茲土每逢課士按其風氣脗合先型者
每不多覲下車之日卽慨然有志此舉但爾時街城鐘
鼓樓尙未竣工有志未逮雖舊有義學立於署左湫隘

囂塵非其地亦非其制也丙子臘月爰擇紳士之公直者相與商確皆躍然從事購基計七畝有奇枕北面南卽於是月杪鳩工庀材越明年春而庭楹落成是役也有力作之煩無強募之苦隨力捐施共勦厥典其中持籌握算監理勤勞者不一人惟貢生永修馬君千總啓仁廖君爲最則茲之遙觀厥成也獨予之力哉丁丑三月敬延漢州名進士黃公景掌教此日擔簞躡躑者履盈戶外有園橋觀聽之遺風焉諸肄業其中果克厚自樹立正誼不謀利明道不計功人品學問自可後先相映則是予之厚望也夫是爲序

德陽縣新志

卷四

學校

五

孝感書院碑

周際虞

教化者風俗之原也故事有功立于此而效兼收于彼者其本得也我

朝教養渙醇濡涵已久其在京邑則有太學萃天下之英才而教育之而直省會城又各建設書院歲費不下數萬其養士實前古所未有有一官一邑之責者誠能仰體

國家樂育之心暨各憲培植之意卽無所憑籍猶將經營而創造之矧因其所有以增補其所無則其美始備而其制乃可久德陽爲古名區治西四十里有孝泉焉卽東

漢孝子姜詩躍鯉故宅也宋治平中奉勅建爲祠祠舊有田地一處歷代以來皆以浮屠主其香火其田租之出入既無可稽查而一二宵小輩且視爲利藪甚與寺僧呼盧浮白恣意侵漁前令闕君廉得其實乃寘黠儉于理爲清丈得田一百六十畝每年共收租息銀一百一十六兩四錢除納賦祭祀修葺祠宇等項共需銀四十五兩外餘銀一百廿兩九錢議建經蒙兩館具爲狀上白而以看夫守其祠非不允協第棲止無定類僦民間居屋且其制狹隘勢不能容多人而四鄉之來就學者半寄寓各寺院中進退既不以時而勤惰亦無可考

察余下車以來累欲建之勿勿未有暇也約年餘乃謀於邑之紳士皆鼓舞樂輸而余復捐清俸五十金以爲之倡因購買地基一處立講堂于其中而以廊房環其外凡一切寢榻書舍齋廚庖湑之所煥然一新又於其前建文昌閣朔望行香且諸生以時瞻拜肅威儀兼肄禮也嗣爲條晰詳請各上憲均可其議而藩憲周公陞任湖北撫部院復顏其額曰孝感書院志不忘所自也自是諸生之來肄業者皆有定所遠近便之余又念士子類多單寒而縣屬上景寺中峰庵僧俗朋比分肥疊經控訴者酌量分撥租穀上景寺每年撥穀九十石中

烽菴每年撥穀七十石共穀百六十石以贍膏火又蒙各憲俞允從此獎賞有資不惟有以生其鼓舞之心而竝有以激其愧勵之志余因之有感矣夫姜孝子爲東漢名儒今其人已隔數千百年而其宅舍田廬之所入猶足以贍後進諸生誠能景慕芳躅以鄉先生爲可師將必有敦本務實挺然特出於以名成德立蘄至於古之人而不徒事區區文采之末也至書院之設皆司牧者所有事也余豈以此自多歟諸生勉乎哉

旌陽書院乾隆十年原設縣署頭門側爲童蒙就傅之所後移崇果寺寺僧明志復爲擇地構宇五十四年知縣

德陽縣新志

卷四

學校

七

王學濂改爲義塾嘉慶十年合邑捐買城隍廟側地一畝五分公建講堂三間左堂三間左右兩廊大門一座十二年知縣吳經世以邑人曾彰泗死節更名勵忠道光二年知縣王陞元移舊孝感書院榜懸之十六年知縣裴顯忠更名旌陽書院

書院學田舊置在姜公祠五莊中峰庵一莊上景寺三莊隆興橋一莊道光四年知縣王陞元添置荷照橋馬家莊水田二莊五年又添置許村潘家寺水田一莊上村太平寺水田二莊普濟橋水田一莊並舊置旱地隆興橋之上介石下介石二段海印寺一段河壩地一段

共二十莊每年共收田租穀市五百八十四石二斗五升共收地租錢一百三十三千七百四十文上界石水碾一分在內又每年共收各寺捐穀共五十石俱每年依時變價以爲兩山長東修生童膏火獎賞及各鄉學蒙師俸錢並諸雜項支用

紫來義學在城內北街舊孝感書院改置以教城廂子弟之無力從師者每年束修錢三十千文 鹿鳴鄉學在北路黃許鎮 躍鯉鄉學在西路孝泉場 鶴翥鄉學在西路楊家場 星聚鄉學在西北路新場 騰蛟鄉學在西北路柏社鎮 鳳翔鄉學在東南路八角井以

德陽縣新志

卷四

學校

八

上七處俱道光四年知縣王陞元奉文設 又仰山鄉學在東路梁家墳 萃英鄉學在西路天馬寺 興仁鄉學原在南門外改移西路余家菴 龍泉鄉學在北路龍泉寺以上四處俱道光十二年知縣裴顯忠新設以教四鄉子弟之無力從師者每年束修錢各三十千文俱於書院學田項下支給從此大小兩學延師得人訓課有方絃誦不輟大學則每月官課一次拔其尤者予以膏火獎賞自必鼓舞奮興濯磨砥礪小學則稽其功課勿俾廢墜誦讀之聲溢於四境而人文之蒸蒸日上盛可預期矣

道光十五年邑人黃沐恩黃沐心具呈捐田一百五十畝
歸公款請官爲經理每年招佃收租依時價變賣銀錢
作添補兩書院生童膏火並歲科兩試文童縣考正場
覆試場及州考正場院考正場等試卷之資鐫碑示後
用垂永久知縣裴顯忠詳准題請議敘

水利

舊志云蜀自李冰穿二江文翁通湔壩西川沃野稱陸海焉德陽在湔沱之北爲都江之灌注所不及惟左有縣陽河右有石亭江作堤築堰引支流以分漑其餘二水所不及者則鄉村就近相高下之勢各開泉塘刻石爲平梁以尺寸分水以田畝均水春夏水發輪流接灌而已歷夏經秋泥沙淤塞民間各自開淘其有泛濫衝決失故道者則隨時補葺取道引注以視都江之資而不竭放而皆通者大不侔矣厥土滲漏備儲尤急先事預防民事固不可自緩而循行勸課官斯土者仍宜以身

德陽縣新志

卷四 水利

九

勞之也

縣陽河由縣西北繞東南舊分灌二十堰今十六堰柳稍堰在縣北六十里自彰明縣竹二縣界流入經琵琶泉過隆興橋之西東流又西分一支灌老果寺上下田東分一支灌隆興場下田又西分一支灌白土寺左右田

紅巖堰已閉

天池堰已閉

茅包堰在縣北三十五里灌迴龍寺上下田

黑龍堰在縣北四十四里漑仙女洞上下田

鳳棲堰已閉

獐子堰在縣北二十八里漑孟家店上下田併仙人橋簡
家林牛耳鋪田

大河堰在縣北二十八里漑仙人橋上下田

磨子堰在縣北二十里漑海印寺上下田

上下蕭家二堰在縣北十五里漑大山門上下田

銅鑼堰在縣北二十里漑仙人橋上下田

石椿堰在縣北十五里漑小山門上下田

黃膠堰在縣北十五里邑民張奇富開漑縣城北筒車灣
上下田又穿縣城分三支一支東穿城漑城東田又一

德陽縣新志

卷四 水利

十

支穿城北分三支西一支漑竹林鋪上下田中一支漑

白衣菴上下田又一支漑毛家河坎上下田共三十里

安樂梓潼二堰在縣北五里合流灌天宮堂上下田

羅蘭堰在縣東十里漑夾擔灣上下田

白果堰今閉

草木堰在縣東十二里漑八角井上下田餘分漑漢州

沙子堰在縣東八里漑朝陽寺上下田

石亭江合馬尾射水二河由縣西至南分灌八堰

何家堰上與縣竹分用在縣西四十八里承射水馬尾二
河水漑三板橋上下田

母猪堰在縣西四十五里承馬尾射水二河水溉三板橋田

鄧子堰在縣西四十二里承馬尾射水二河水灌姜家菴上下田

上茅包堰在縣西三十五里石亭江水溉七聖泉上下田
下茅包堰在縣西三十四里石亭江水溉傅家營上下田
歐家堰在縣西三十八里石亭江水下合麻柳泉至三寸口分流西支溉五塘上下田東支溉觀音堂上下田又合檀木泉水灌關帝廟上下田下流入丁家堰

嘉池堰在縣西二十一里石亭江水經荷照橋灌大漢鎮

德陽縣新志

卷四 水利

十一

上下田又東灌焦粃灘分流入漢州界

范堰在縣南十八里石亭江水東支灌寶峰寺上下田又東下分灌楊寶橋上下田

東山小河由縣東至南分灌入堰

宋家堰在縣東二十四里東山小河水灌曹家菴田又下灌寶珠寺田

上下瓦子堰在縣東四十里東山小河水灌河壩田

楊家堰在縣東三十五里東山小河水溉東峰寺山灣田
齊家堰在縣東三十二里東山小河水灌老君觀上下田
謝家堰在縣東三十五里東山小河水灌馬頸項等處壩

田

孟家堰在縣東三十二里東山小河水灌寶珠寺上下壩田

獅子堰在縣東三十里東山小河水灌老君觀下壩田

凡河堰三十六道時有壅塞隨加開導其始築無攷亦不能限以丈尺每歲秋成後堰長率眾經理淘修約共灌田一十四萬三千餘畝

七聖泉在縣西三十八里接孝泉餘水西灌耿懷橋梅子堰朝陽橋上下田又東支灌上景寺上下田分流入楊家泉 以下泉堰

德陽縣新志

卷四 水利

十二

孝泉在縣西四十里分東西溝西溝挨祠下泉作堰其正流西灌打魚院上下田又下與七聖泉合東支灌黑泥灣上下田下流合七聖泉

又孝泉在縣西四十里西支灌三道溝田東支分兩道西灌白菜林及天臺寺上下田東灌中峰菴及帝君寺上下田下流入楊家場東與黃土堰水合灌楊家場西岸田

黃土堰在縣西二十八里自縣竹縣流入經高橋分爲鄭家堰朱家堰又分支灌高斗寺上下田又南支灌聖水寺上下田又分支經楊家場與孝泉東溝水合分溉蘭

穆院上下田又西派與孝泉餘水合漑曾家橋上下田併合流於丁家堰餘水入荷照橋

賈家泉在縣西三十八里分兩支西支灌馬家橋上下田東支灌金雞橋上下田又東分支灌唐家營上下田又分灌張家菴上下田

檀木泉在縣西二十里合歐家堰水灌關帝廟上下田下入丁劉堰

木瓜泉在縣西三十五里東支灌曾家壩田又分兩支西灌鸞山壩田東灌橋樓子上下田又下流分灌瓦罐邊田又西洩流丁家堰

德陽縣新志

卷四 水利

十三

菖蒲泉在縣北三十六里賈家泉之東下分數支灌李祈寺上下田

琵琶泉在縣北五十二里黑風泉之東又東爲白果泉分流東支灌羅景菴上下田西支灌延壽寺左右田

黃施泉在縣北三十四里賈家泉菖蒲泉之下西支灌茅橋亭上下田東支分流兩派東灌西河壩上下田西灌金雞寺上下田

石龍泉在縣西二十五里漑田數里下流又出小泉分兩支東灌高知亭上下田西分二派東灌廟子壩田西流合上下門板泉

上下門板泉在縣西北二十八里西支灌楊柳橋上下田
東爲正流一支與龍泉堰合一支灌白廟子上下田又
分灌聖水寺上下田又下與龍泉堰合流分灌太平寺
上下田

伏牛泉在縣北四十里與黑風黃花等泉之下流合東支
灌柳林田西支灌圓果寺上下田

黑風泉在縣北五十里與黃花泉合西支灌阮家林田東
下爲母豬泉分支灌詹家堰併柳林田又分爲五郎泉
下與伏牛泉餘水合灌柳林田

湧泉在縣北二十五里東灌秦祖殿上下田西流入周家

德陽縣新志

卷四 水利

十四

泉

周家泉在縣北三十五里漑本處上下田

侯家泉在縣北二十九里漑清涼寺上下田

龍泉堰在縣北二十五里平地湧出分流西支漑天馬寺
上下田東下分兩支漑至縣城西北上下田左支漑聖
家廟太平寺上下田

石渣河在縣北三十里又下爲石渣泉東支漑白泥梁柳
林上下田下流分漑秦祖殿上下田又西分末流合周
家泉

曾黃泉在縣北二十五里平地涌出漑柳林田

歐家泉在縣北二十二里接柳林併龍泉堰餘水流入黃膠堰

丁家堰在縣南十五里接諸泉下流匯入荷照橋河

楊柳泉在縣北二十一里漑高橋上下田

帝君泉在縣西十六里漑下景寺上下田

羅漢泉在縣西十六里漑耿懷橋上下田

五郎泉在縣北二十里漑柳林上下田

侯豐泉在縣西十八里漑下景寺上下田

高東泉在縣西二十里分三支東爲高家溝西爲許家溝

中爲劉家溝共匯漑簡家灣上下田

德陽縣新志

卷四 水利

十五

黃花泉在縣北二十五里漑和村上下田

腰堰泉在縣北三十三里漑新村上下田

雙藻泉在縣西十五里漑天馬寺上下田

龍汝堰在縣西十五里漑黃蓮橋上下田

楊柳堰在縣西十四里漑天馬寺上下田

永興堰在縣西十三里漑天馬寺上下田

雙泉堰在縣西十七里漑寒林菴上下田

丁劉二堰在縣南十八里漑荷照橋上下田

馬家堰在縣南十五里漑文星橋上下田

黃桶堰在縣西十九里漑關帝廟上下田

羅筭堰在縣西二十里漑關帝廟上下田

和尚堰在縣西十五里漑周家碾田

半頭堰在縣西十六里漑五子橋田

缸子堰在縣西十七里漑寒林菴田

梅子堰在縣西十七里漑寒林菴田

麻柳泉在縣西十八里合歐家堰水漑田

黃朝堰在縣北二十里漑柳林上下田

宋家堰在縣北二十八里漑新場上下田

黑洞堰在縣北三十八里漑白土寺田

王施泉在縣北三十二里漑馬家橋上下田

德陽縣新志

卷四 水利

十六

鍋底泉在縣北三十二里漑金雞橋上下田

何家泉在縣北二十三里漑楊柳橋上下田

馬家泉在縣北二十四里漑西河壩上下田

金沙堰在縣北三十五里漑金雞寺上下田

白洋堰在縣北三十八里漑馬家橋上下田

白良堰在縣北三十八里漑白廟子上下田

柳砂泉在縣北三十五里漑朝天廟上下田

鄧家堰在縣北二十八里漑柳林上下田

雷波堰在縣北二十七里漑聖水寺田

九井堰在縣西三十四里內有九井泉深莫測漑楊家溝

上下田

夜合堰在縣西二十二里漑朱家營上下田

羊叉堰在縣西二十七里漑聖水寺上下田

清涼堰在縣西十九里漑上景寺上下田

小草堰在縣西二十七里漑蘭穆院上下田

尹武堰在縣西十八里漑柳林上下田

黃溪堰在縣西二十七里漑太平寺上下田

曾家堰在縣西十七里漑段家壩上下田

瓦窑堰在縣西三十里漑三元橋上下田

普濟泉在縣西四十里漑孝泉上下田

德陽縣新志

卷四 水利

十七

鄰姑泉在縣西四十里漑中峰菴上下田

雷泉在縣西二十六里漑迴龍寺上下田

黃龍堰在縣西三十二里漑三元橋上下田

朱家泉在縣西十八里漑朱家營上下田

九子泉在縣西二十四里漑聖水寺上下田

馮家泉在縣西十九里漑上景寺上下田

五股泉在縣西二十五里漑高東寺上下田

竇家泉在縣西二十八里漑聖水寺上下田

龍尾泉在縣西十三里漑大石橋上下田

梁家泉在縣西三十八里漑楊家場上下田

張灘泉在縣北三十里漑新村上下田

怙家泉在縣北二十八里漑新村上下田

趙家泉在縣北三十五里漑懷村上下田

白泥泉在縣北五十里漑新村上下田

溫廓泉在縣北四十里漑白土寺上下田

朱子泉在縣北四十八里漑李祈寺上下田

九寸泉在縣北四十五里漑從村上下田

火麻泉在縣北四十里漑從村上下田

白木泉在縣北二十八里漑從村上下田

詹家泉在縣北四十二里漑從村上下田

德陽縣新志

卷四 水利

十八

凡泉堰八十道各就其源疏導安設平梁計畝分灌每年堰長率眾戶隨時淘修約共灌田十萬二千餘畝

蓄堰水說

闕昌言

書載梁州壤賦曰厥土青黎青則黑洳而自腴黎則釀卉而液出不謂之沃壤不可也沃則尤於稻禾相宜非濬其水源以資灌溉雖欲植嘉禾登豐富也其術無由但考川省與他省不同他省土皆黃壤可作陂塘停瀦水不滲漏川省土多砂礫難作陂塘德陽縣東山係黃壤可作塘池外其餘六村皆砂礫各資堰水灌溉水難久瀦猶幸鄰河者作河堰不鄰河者作泉堰藉砂底之

餘瀝作渠分灌不下數十餘堰又一堰之水各量田之多寡建平梁均水有一泉分十餘溝十餘戶者有分數十溝數十戶者更有分百餘溝及百餘千餘戶者勢如瓜瓞之蔓延如柳枝之紛出左之右之不可枚舉每年早春濬治溝渠季春分水歸田一遇天時偶暘水不敷漑種蒔難遍相起而爭奪者無日無之予令德陽二載巡行阡陌時訪水泉原隰之宜察高低種蒔之方大抵民於秋收後自謂既已收穫矣卽不蓄水任水瀟流大河又多遊行酣飲至次年開春度燈節後始理田務治堰渠迨至溝成堰築而水之洩入大河者已多矣與其

爭於水洩大河之後何如愛惜於水未洩大河之先爲有益也興其爭之無補於田畝何如預備於事先工不勞而收倍之爲快也予定爲二法一曰預浸冬田蓄水一曰密作板閘停水此二法俱有益於民并可消爭鬪弭盜賊而吾民漸可富裕也何謂預浸冬田蓄水勸吾民於秋成收穫時各計量己之田畝某某田與堰渠相近留蓄冬水某某田留爲藝麥之田卽合同溝共堰之人整治堰渠照依各應得水分應漑放日期撥水歸田預爲浸濡高培塍埂必一畝田或高蓄二三畝之水及至來春可及時栽蒔可均水遍種而又不被蟲蛀何樂

如之況逐戶蓄水則田路泥濘鼠竊亦艱行易獲而民何憚而不爲乎余前已示諭奈小民遵行者固多而玩愒不遵者亦不少故不憚諄諄詳示俟公餘之時卽出郊查訊拘惰民責儆之何謂密作板閘以蓄水考他省多作石閘而木閘亦時有之石閘工程浩費木閘工省易成其作木閘之法除堰頭水足不作外而中堰未堰作板閘最爲有益其法於堰腰勘量地勢用二石磴東西安置石磴面上各鑿一方眼深尺餘而二石眼之中各穿插一大木柱柱上外面鑿一路直槽順溝自上而下如倉門上二直倉門樣中下木板而板閘之外以木

竹諸般合作堤埂可蓄停堰水以備灌田以蓄魚蝦水大則起板水小則下板隨時起閉各派一人輪流掌之可以濟中堰尾堰之不足也此法行無田高水低之患更可作水車以漑高田每見吾民先事不綢繆預防而臨時鬪爭何弗思之甚也至若避蟲之法惟在及時諺云清明浸破千家種芒種秧針出坵隴農家各有節次不先不後凡早禾一月而栽中禾四十五日五十日栽插秧及時則蟲不蛀秧過嫩則蟲必蛀之德陽之地多是地中出泉水多冷冽又多重巒密霧恆雨恆陰若預蓄水於田令水多沾土氣陽和暴照則寒氣消除更及

時栽插而插秧之後用泉者不深蓄水又何有蟲蛀之患哉本縣世事農務知之甚詳吾民聽之勿忽